



Broj: 01/1-50-1-1-50/08
Sarajevo, 22. 9. 2008. godine

Z A P I S N I K

50. sjednice Ustavnopravne komisije

Sjednica je održana 22. 9. 2008., s početkom u 11 sati.

Sjednici su prisustvovali članovi Komisije: Šefik Džaferović, Velimir Jukić, Lazar Prodanović, Momčilo Novaković, Ekrem Ajanović i Halid Genjac.

Osim članova Komisije, sjednici su prisustvovali poslanik Jerko Ivanković Lijanović i predstavnica Ureda koordinatora za reformu javne uprave Nevenka Savić.

Sjednici su prisustvovali sekretar Komisije Igor Bajić i stručni saradnik u Komisiji Nedžad Salman.

Predsjedavajući je otvorio raspravu o dnevnom redu u kojoj su učestvovali: Lazar Prodanović, Momčilo Novaković i Šefik Džaferović. Prijedlog člana Komisije Lazara Prodanovića da se kao tačka dnevnog reda uvrsti Inicijativa poslanika Milorada Živkovića i Prijedlog zaključka SNSD-a, Komisija, s dva glasa „za“, tri glasa „protiv“ i jednim „suzdržanim“ glasom, nije prihvatila.

Komisija je usvojila sljedeći

D N E V N I R E D

1. Usvajanje Zapisnika 49. sjednice, održane 9.9.2008.;
2. Prijedlog zakona o izmjenama i dopunama Izbornog zakona BiH, predlagač: poslanik Jerko Ivanković Lijanović (**usklađenost sa Ustavom BiH i pravnim sistemom u skladu s članom 103. Poslovnika Doma**);
3. Godišnji izvještaj o napretku Ureda kordinatora za reformu javne uprave (praćenje provođenja Akcionog plana 1 Strategije reforme javne uprave) (**razmatranje izvještaja u skladu s članom 41 stav (2) Poslovnika Doma, u vezi s dopisom Kolegija broj: 01-50-20-64/08, od 5. 9.2008.**).

Ad. 1. Usvajanje Zapisnika 49. sjednice, održane 9.9.2008.;

S obzirom da nije bilo rasprave, Komisija je jednoglasno usvojila Zapisnik 49. sjednice.

Ad. 2. Prijedlog zakona o izmjenama i dopunama Izbornog zakona BiH, predlagač: poslanik Jerko Ivanković Lijanović (**usklađenost sa Ustavom BiH i pravnim sistemom u skladu s članom 103. Poslovnika Doma**)

Predsjedavajući je otvorio raspravu u kojoj su učestvovali: Jerko Ivanković Lijanović, Halid Genjac, Ekrem Ajanović i Velimir Jukić.

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje Zakona;
- je Prijedlog zakona usklađen sa Ustavom BiH i pravnim sistemom.

Komisija, bez glasova „za“, s pet glasova „protiv“ i jednim „suzdržanim“ glasom, nije prihvatila principe Prijedloga zakona.

**Ad.3. Godišnji izvještaj o napretku Ureda kordinatora za reformu javne uprave
(Praćenje provođenja Akcionog plana 1 Strategije reforme javne uprave)
(razmatranje izvještaja u skladu s članom 41 stav (2) Poslovnika Doma,
u vezi s dopisom Kolegija broj: 01-50-20-64/08, od 5. 9.2008.).**

Predsjedavajući je otvorio raspravu u kojoj su učestvovali: Halid Genjac, Nevenka Savić, Šefik Džaferović, Ekrem Ajanović i Velimir Jukić.

Komisija je, nakon rasprave, konstatirala da je dobro što se ovaj izvještaj našao pred Komisijom te smatra da Parlamentarna skupština BiH treba redovno biti obavještavana o napretku reforme. Ustavnopravna komisija podržava Godišnji izvještaj o napretku te Predstavničkom domu predlaže slijedeće zaključke:

- Potrebno je inicirati održavanje sjednice Koordinacionog odbora za ekonomski razvoj i evropske integracije s ciljem rješavanja identificiranih problema, osiguranja daljnjeg koordiniranog pristupa i nastavka političke podrške provođenju reformskih mjera (u skladu sa Zajedničkom platformom o principima i načinu provođenja Akcionog plana 1. Strategije reforme javne uprave u BiH);
- Od institucija i organa uprave na nivoima obuhvaćenim Strategijom reforme javne uprave zahtjeva se viši stepen saradnje i odgovornosti u provođenju reformskih mjera, razmjeni i dostavljanju informacija s ciljem efikasnije koordinacije i praćenja pokrenutih i ostvarenih aktivnosti;
- Neophodno je ojačati poziciju i ulogu koordinatora za reformu javne uprave, posebno Vlade FBiH i Vlade RS-a, i unaprijediti koordinaciju ostalih struktura za provođenje mjera i aktivnosti iz Akcionog plana 1. koju čine imenovani predstavnici Vijeća ministara BiH, Vlade Federacije BiH, Vlade Republike Srpske i Vlade Brčko Distrikta BiH;
- Potrebno je nastaviti razvijati mehanizme koordinacije i konsultacija organa uprave svih nivoa radi usaglašenog djelovanja prema donatorima i efikasnijeg korištenja donatorske pomoći.

Predsjedavajući je predložio a Komisija, s pet glasova „za“, bez glasova „protiv“ i jednim „suzdržanim“ glasom, prihvatila prijedlog zaključka da se, u vezi s Godišnjim izvještajem na sljedećoj sjednici razmatra Deklaracija o dobroj upravi.

S obzirom da nije bilo više pitanja, sjednica je završena u 12 sati.

SEKRETAR KOMISIJE

Igor Bajić

PREDSJEDAVAJUĆI KOMISIJE

Šefik Džaferović